

DAMMEG Y PREN A DDWG NAW MATH O FERWYTHAU !

Ar amser nodedig ymwelodd rhyw winllanydd (*a*) cyfoethog â'i winllan (*b*) mewn gwlad bell, gan blanu rhyw blanigyn (*c*) rhyfedd a ddygodd gydag ef, yr hwn wedi tyfu yn bren a ddygai naw (*d*) rhyw o ffrwythau rhagorol. Dewisodd, (*e*) a ddygodd (*f*) ei weision (*g*) pa fodd i'w drin, ac i wylid drosto. Yr oedd wedi dwyn ychydig (*h*) o bob un o'r cyfryw ffrwythau gydag ef, fel y caffai ei weision, a rhai o bobl y winllan, brofi eu blas; ac yna dychwelodd i'r wlad bell yn ei ol (*i*). Ei weision, wedi profi blas y ffrwythau, a deall eu bod yn ymborth rhagorol ac iachus, ac hefyd yn feddyginiaethol i bob clwyf, a ymdrechasant ddydd a nos i drin y plantigyn yn ol y cyfarwyddiadau a gawsant. Coronwyd eu diwydrwydd â'r fath lwyddiant rhyfeddol nes y tarddodd allan gangenau iraidd a lliosog, ac amföwyd ef a blodau heirlid a pheraidd; ac yn yr haf cyntaf gorlwythwyd y pren â ffrwythau tel y rhai a ddygasai y gwinllanydd ar y cyntaf. Buau iawn yr aeth sôn am dano drwy y winllan, ac y cyrchodd y bobl o bob cŵr i ymofyn y ffrwythau. Aeth y gweision a llawer o blanicion o hono i barthau ereill, ac yn mhob mhob man lle eu plenid, yr un fath ffrwythau a ddygai; a ffrwythlonai yn ogystal ar benau y mynyddoedd mwyaf creiglyd ag yn y dyffrynodd brasaf, yn y pegynau rhewog fel yn y *torrid Zone*.

Yr oedd rhyw ormeswr (*k*) a ddaethai o wlad bell eris talm, yn hōni rhyw hawl i'r winllan, a llawer o'r bobl yn ei gredu a'i wasanaethu; ond ni thyfai un o'r rhyw hwnw o ffrwythau ar eu prenau hwynt, yr hyn a barodd i'w weision rwguach wrth y gormeswr, am fod rhagoroldeb ffrwythau y lleill yn dwyn holl bobl y winllan braidd i'w marchnadoedd hwynt, a bod gobaith eu helw ffrwythau yn pallu. Ar hyn, addawodd y gormeswr yr aethai yntau i gyrchu plantigyn (*l*) cystel os nad gwell, na'r eiddynt hwy, o wlad bell; ac wedi iddo ddychwelyd â'i blanu, ac i amser ffrwythau ddod, gwelid arno rai ffrwythau yn debyg yr olwg i'r lleill; ond er eu siomedigaeth, wele yr oeddynt yn wenwyn marwol (*m*) i bob un a'u profent. Censigenodd y gormeswr, a'i weision, waeth-waeth yn erbyn y lleill o herwydd hyn, ac am eu bod yn rhy falch i ofyn am blanicyn ganddynt, ymosodasant arnynt, ac a'u lladdasant, gan feddwl y caffent hwy y pren a'i ffrwythau, ac y deuai pawb atynt hwy i brynu wedi'n (*n*). Ond er eu syndod hwy, a cholled fawr i holl bobl y winllan, ni thyfodd un o'r ffrwythau cyntefig ar y pren wedi hyn, o herwydd na ddysgwyd hwy gan y gwinllanydd na'i weision pa fodd i'w drin; ac yn fuan ei geinciau a grinasant,

ei ireidd-dra a sychodd, a'i fonceff a hydrodd (*o*), a bu yr holl bobl yn newynu am dalm o amser (*p*).

Yn y cyfamser, tyfodd pren y gormeswr yn fawr iawn, gorlwythodd holl adar arian y wlad ei gangenau, gan ei wneuthur yn nythfan, ac ysglyfaethu pawb a ddeuai y ffordd hono. O'r diwedd, un o eryrod (*q*) y gormeswr, yr hwn oedd yn llawer gwell na'r lleill, gan dosturio wrth y dyoddefwyr, a gafodd afael ar ryw hen lyfr (*r*) a ysgrifenwyd gan weision y gwinllanydd, yn disgrifio yr hen bren, a'i ffrwythau danteithiol, yr hyn a greodd awydd ynddo i gael pren cyffelyb iddo, ond ni allai ddirnau pale y caffai blangyn i ddechreu. O'r diwedd pan yn syllu i waered o'i nyth ar gelaneddau y lluoedd a drengasant oddeutu bôn y pren, gwelodd yno amryw *suckers* iraidd yn tyfu o wraidd yr hen bren, a meddyliodd y gallai, trwy gyfarwyddiadau yr hen lyfr, feithryn un o'r rhai hyn yn bren ffrwythlon; ond gwyddai fod ei fywyd mewn perygl os deallai yr adar ereill ei amcan, o thrwy gyfrwysdra, llwyddodd i gael *sucker*, a myned ag ef yn ddiangol, ac a'i planodd yn nghŵr eithaf y winllan, a thyfodd yn bren cadarn. Ereill, wrth weled ei lwyddiant o'i bren, a anturiasant wneyd yr un modd, ac mor llwyddiannus ag yntau. Yn mhen amser, tyfodd *suckers* oddiwrth y *suckers* hyn, y rhai a blannodd ereill yn gyffelyb, nes yr oedd y prenau hyn yn llosg iawn drwy y winllan; ac er eu bod yn go debyg i'r hen bren ar yr olwg gyntaf, etto nid oedd un o'r naw math o ffrwyth yn tyfu arnynt yn un man, er yr hŏnai pob un fod ei bren ef o'r un rhyw a'r pren ffrwythlon. Gan fod newyn tost trwy yr holl wlad a'r bobloedd wedi clywed fod cynnifer o'r prenau ffrwythlon yn eu plith, ymgasglasant atynt yn lluoedd, gan waeddi am ffrwyth, rhag eu marw o newyn. Ar hyn, estynodd yr adar eu penau dros eu nythod, ac mewn llais fel llais dynion perswadiasant y bobl, gan ddwedyd, "O, nid oes eisien y ffrwythau cyntefig mwyach. Mae yn wir fod naw math o ffrwythau wedi tyfu arno yn y dechreu, a'u huaig ddyben oedd er profi fod y fath bren wedi bod [1], a'r unig gysur a ellwch gael yn awr yw cyrchu at ein prenau ni pan y teimloch yn newynog, a syllu arnynt yn graffach po tŷnaf y crafanga newyn eich cyllia; a darllenwn minnau o'r hen lyfr hwn hanes y gwleddoedd a fwynhiai dynion o ffrwythau y pren cyntefig, eanys ffydd yw y cyflwr sydd yn ofynol i'ch cadw yn fyw heb ymborth, dim ond credn yr hanes heb fwynhau, a chychu yma i edrych a gwrandeo; ar ol cyrhaedd y wlad bell y cewch y naw math o ffrwythau hyn (*s*).” Fel hyn twyllasant luoedd i gyrchu atynt, ac er eu bod yn gwanhan ac yn newynu y plant ar ol y tadau a'u dilynasant hyd farw, nes y gwelid eu hesgyrn yn wynion ar hyd wyneb y ddaear oddiamgylch i'r prenau hyn. Ond y rhai *synwrolaf* (*t*) o'r bobl a ddywedasant mai eu twyllo yr oeddynt, a bod gruddfanau y trancedigion, ynghyd ag arteithiau dirdynawl y newyn ar eu hymysgaroedd yn profi na allent fyw heb gael o ffrwyth y pren eu hunain; a chan eu bod hwy yn haeru na thyfai y

cyfryw ffrwythau ar y pren yn awr, nad allent hwythau groed fod y fath bren erioed wedi bod, nac yn dwyn y naw math o ffrwythau a ddesgrifiai en hen lyfr; canys (obent hwy) mae y cyssylltiadau anwahanol â pha rai y cylymodd y pen anianydd bob effaith wrth ei achos ei hun, ynghyd ag esiamplau holl brenau ereill y winllan, yn dwyn y cyffelyb ffrwythau yn awr ag a ddygent y pryd hyny, yn profi-eich ffolineb chwi yn hōni. mai y pren hwnw sydd genych, ac etto yn gwadu ei ffrwythau. Achosodd hyn frwydrau ereulon rhwng y pleidiau hyn am yspaid mawr. Yna, tosturiodd y gwinllanydd wrth eu sefyllta druenus; a chan fod diwedd y cynauaf yn agosáu, efe a anfonodd un o'i weision (u) o'r wlad bell o'i flaen gyda phlanigyn fel y cyntaf, fel y caffai y rhai a ddewisent fwyta o'i ffrwyth, rhag marw o bawb gan newyn cyn y denai. Planodd y gwas ef mewn llanerch hyfryd a dirgel, dewisodd a dysgodd y rhai y perwyd iddo (v), ac a'u gosododd i drin y pren yn ofalus, ac a ddychwelodd adref. Drwy fyddlondeb y gweision i wneuthur pob peth fel eu gorchymynwyd, dygodd y pren yr un fath ffrwythau â'r rhai gwreiddiol. Aeth y newyddion gorfoleddus hyn ar led, a phawb a ddalai i geisio'r ffrwythau a wledent arnynt heb arian ac heb bris. Brawychodd y gormeswr pan glywodd hyn, canys gwyddai na ellid cael y pren hwnw ond gan y gwinllanydd, a deallai fod ei amser ef yn fyr i deyrnasu yn y winllan. Ar hyn cofiodd am y ddicheil a lwyddodd i ddyfetha y cyfryw bren o'r blaen, ac a gynhyrfodd ei weision i erlid y lleill, ac i berswadio y werin nad oedd y ffrwythau yn tyfu ar eu prenau hwynt. Dywedodd hefyd am iddynt berswadio y rhai a broffasant o'honynt eisoes, mai y ffrwythau gwenwynig a dyfai ar ei hen bren ef oeddynt, gan rybuddio pawb i beidio gwneyd dim o'honynt, am fod yn anmhosibl braidd cael neb oddiwrthynt ar ol iddynt brofi o'r ffrwythau, &c., (y). Ac fel hyn llwyddodd ei gelwyddau nes lladd y gweision cyntefig a wylent y pren; ond yr oedd y pren wedi gwreiddio mor ddwfn, cynnifer o'i blannigion wedi eu planu ar led y winllan, ac yn dwyn ffrwythau mor doreithiog, a lluoedd o'r rhai a wadent fodoldeb y pren cyntefig, ynghyd â'r rhai callaf a gonestaf o'r lleill, yn eu hamddiffyn, fel na allent lwyddo; canys gelynlion ereulonaf hwn, fel y pren arall, oedd y rhai a gaent llawer o aur, o arian, a pharch oddiwrth y prenau ereill. Gwelent fod gobaith eu helw yn palla os caffai y werin blas y ffrwythau. Yr holl adar ysglyfaethus ereill yn rhag-weled mai cyffelyb fyddai eu tynghed hwythau cyn hir, a ymgynddeiriogasant yn waeth etto, ac unasant oll mewn ymgyrch aruthrol i ddial ar weision y gwinllanydd a'u canlynwyr; er eu gelyniaeth o'r blaen, heddychasant a'u hen fam-denlu o'r diwedd, yn yr ymladdfa olaf hon, a llwyddasant nes gorfodi y rhai nad ufyddhaent iddynt hwy, cyrchu at eu prenau, ac ymwrthod â'r ffrwythau, fyned ymaith yn dyrfa fawr mewn llawer o longau dros y mor. a dychwelasant hwythau i'w nhythod, a'u gorfoledd oedd fawr am

eu buddygoliaeth. Gwobrywent eu gilydd o lawenydd am gael gwarel o'n gelyrfion, ac ymfrostient y caffent bob ysglyfaeth i'w crafangau bellach. Yn nghanol eu gorfoledd brawychwyd hwy an ruad taranau, mellt, a sŵn ystorum ofnadwy. Crynai y wiullan, dawnsiai y bryniau mewn braw, ac ysgwdwai yr holl wiullan fel nyth brân ar frig pren. Yr haul a ymweisgai suchlen flew yn alarwsg, a'r holl elfenau blith draphlith, fel cawl mewn cerwin a ferwent, a holl brenau y wiullan, ynghyd a'r adar aflan a'u hudolion, a glywid o hirbell fel clindarddach drain dan grochan, ac ysgyrnygent ddanedd ar eu gilydd, gan waeddi, "O na wrandawsem ar lais gweision y gwinllanydd! O na fwytasem o'u ffrwythau hwy, a byw yn dragwydd! Ond darfu yr haf, aeth ein cynauaf heibio, tra yn credu eich hudoliaeth chwi; a llawsoch i ni heddwch, ond O! fe'n poenir weithian yn y fflam hon!" Ar hyn, wle'r gwinllanydd a'i osgordd aneirif yn dyfod mewn cerbydau tanllyd awyrawl, gan osod tân yn y cŵr dwyreiniol, yr hwn a gipiodd ac a ddiſiodd ar y ddê a'r aswy bob peth o'i flaen, megys soff sychion, fel mai yr oll a ddeallid o'r gyflafan erchyll oedd ochain a dolesain. ¶ Clôwyd yr olygfa y fyny trwy lais udgorn uchel o ganol y cerbydau, yn bloeddio, "A mwg eu poenedigaeth hwy a esgryn i fyny yn oes oesoedd."* Ac adleiiodd fel llais telynau trwy'r awyrgylch, Llawenycha o'i phlegid hi y nef, a chwi apostolion a phrophwydi santaidd, oblegid dialodd Duw arni drosoch chwi.** Ac unasant oll yn y *chorus*, "Cyfiawn, O Arglwydd, ydwt ti, Brenin y saint: canvs gwaed saint a phrophwydi a dwalltasant hwy." Yr hwn a ddarlleuo, ystyried y ddammeg! Er ei hiawn ddeall, darllener y cyfeiriadau canlynol yn fanwl:—

(a) Iesu Grist, gwel Esay 5. 1; Mat. 20. 1; Luc 13. 6—8. (b) Y ddaear. (c) Yr Efengyl. (d) Naw doniau y Ysbryd Glân, 1 Cor. 12. (e) Ioan 15. 16. (f) Mat. 28. 20. (g) Yr apostolion, &c. (h) Y gwyrtiau a waeth Crist cyn sefdlu ei deyrnas. (i) Ei esgyniad i'r nef. (k) Y diafol, Mat. 13. 25. (l) Eglwys Rhufain. (m) Gan wythian, Mat. 24. 24; Dat. 13. 12, 14. (n) Y rhai a laddasant olygwyr yr apostolion. (o) Paw gymmerwyd yr hawl ddwyfol oddiar y ddaear, ac yr aeth yr eglwys i'r diſiathwch, Dat. 12. 5, 6. (p) Y newyn am yr efengyl drwy yr "oesoedd tywell," Amos 8. 11, 12. (q) Y cyntaf a withwynebodd eglwys Rhufain ac a blannodd eglwys ei hun. (r) Y Testament Newydd. Y "suckers" o'r holl ferched yr "hen fam," a'u merchedd hwythau, Dat. 13. 18. (s) Paw a wadant yr anghenheidrwydd am y naw math o ddoniau y Ysbryd Glân drwy y hyd, a honant eu comisiwn o'r Hyfr, ac mai dyben y doniau oedd ei profi gwirionedd Cristionogaeth, 1 Tim. 4. 1, 2; 2 Tim. 3. 1—9; a. 3. 4; Judas 4. 10, 12, 19. (t) Yr anfyddwydd oedd ynt yn gwithsefyll seclariaeth 2 Petr. 2. 2, "o herwydd y rhai y ceblir fflodd y gwirionedd." (u) Yr angel a welodd Ioan yn dyfod a'r efengyl dragwyddol yn ol i'r ddaear, Dat. 14. 6. (v) Joseph Smith &c. (w) Dat. 12. 12. (x) Paw a gyhoeddant, a bregethant, nen a draethant, rai o'r "mil ond un" o'r chwedlau deul, a'r cyhuddiadau a orifant y wlad am y Saint. * Y merthyron dawidol hyn yn Ngharchar Caibage a degau o Saint dienog ereill a y cyfandir. † Y Saint yn ffori Seion. ‡ Dat. 11. 10; Salm 11. 6; 68. 2; 110. 5, 6; Esay 9. 18—20; 13. 6—9; 24. 6. 17. 21, 21; Jer. 30. 23, 24; Zeph. 3. 8; 2 Thes. 1. 8—11. ¶ Dat. 10. ¶ Dat. 18. 20, 24; ** Dat. 10. 5, 6, 7.

ARGRAFFWYD A CHYHOEDDWDYD GAN D. JONES, ABERTAWY.